

Expediente núm.: 21/2026

BASES DO DESFILE DE CARROZAS E COMPARSAS DE ENTROIDO 2026

- 1) A Concellaría de Cultura do Concello de Salceda de Caselas convoca o XXVII Desfile de Carrozas e Comparsas que se realiza dentro do programa de actividades e espectáculos do Entroido 2026.

Neste desfile poderán inscribirse todas aquelas comparsas integradas por un mínimo de 15 compoñentes e constituídas legalmente como asociación.

Establécense dúas modalidades:

- Modalidade A: Comparsas sen carroza
 - Modalidade B: Comparsas con carroza
- 2) As inscricións presentaranse no Rexistro do Concello de Salceda de Caselas. As agrupacións de Salceda poderán formalizar a inscrición a partir do 26 de xaneiro e as de outros concellos a partir do 2 de febreiro. O prazo de inscrición rematará para todas as agrupacións o 8 de febreiro ás 23.59 h.

As inscricións deberán realizarse obrigatoriamente a través da sede electrónica do Concello de Salceda de Caselas (salcedadecaselas.sedelectronica.gal), empregando o modelo xenérico de Instancia xeral. A identificación na sede electrónica realizarase co certificado dixital de representante de persoa xurídica (asociación).

As solicitudes presentadas fóra de prazo non poderán optar ao premio por participación, e a súa participación no desfile terá que contar co visto e prace do Concello de Salceda de Caselas.

No momento de realizar a inscrición é preciso presentar a seguinte documentación:

- ANEXO I – Solicitud de participación no desfile
- ANEXO II – Nomeamento da persoa representante da comparsa
- ANEXO III – Declaración responsable de participación de menores
- Fotocopia do CIF da asociación
- Certificado bancario do número de conta da asociación



- Fotocopia do DNI da persoa representante da asociación e documento acreditativo do seu nomeamento
- Listaxe de participantes coa data de nacemento da persoa de maior e menor idade
- Lonxitude total de cada unha das carrozas e vehículos que forman a comparsa
- Copia do seguro obrigatorio dos vehículos que formen parte da comparsa, e número de teléfono das/os condutoras/es destes

O Concello, por motivos de seguridade e de organización, resérvase o dereito de reducir ou ampliar o prazo de inscrición.

Cada asociación só poderá inscribir unha agrupación baixo o seu nome.

- 3) O desfile de comparsas e carrozas celebrarase o domingo 15 de febreiro de 2026. Se as condicións climatolóxicas non permiten a realización do desfile, este celebrarase o 22 de febreiro de 2026. A saída queda fixada para as 17:00 horas desde a praza da Devesa, discorrendo o desfile polas rúas Vigo, avenida de Galicia, Victoriano Pérez Vidal, Rollo e rematando na rúa Doutor Zunzunegui. As carrozas deberán estar no sitio asignado de saída entre as 15:30 e as 16:30 horas.

O retraso ou anticipo na chegada das carrozas levará consigo a redución no premio por participación, a razón de 5 € por cada minuto de diferenza.

- 4) O luns 9 de febreiro celebrarase unha reunión organizativa ás 19.00 horas na Casa da Cultura Castelao de Salceda, á cal deberá acudir obrigatoriamente a persoa representante de cada agrupación.

Nesta reunión establecerase a orde de desfile das comparsas. Cada comparsa poderá escoller o posto no que desfilará, quedando a orde de escolla supeditada á orde de rexistro da inscrición. A data e hora de inscrición só será válida cando a comparsa rexistre correctamente toda a documentación recollida nas presentes bases.

- 5) Cada comparsa terá un distintivo co seu nome e número de compoñentes visible na parte frontal da súa carroza. Así mesmo, levará visible o cartel co número de participante que lle será entregado na reunión do 9 de febreiro.



- 6) Queda totalmente prohibido o uso de petardos, sprays, bengalas ou lanzamento de obxectos perigosos ao público.
- 7) As carrozas e comparsas levarán unha velocidade lenta para amosar o seu traballo, non podendo deterse durante o percorrido, salvo causa maior xustificada.
- 8) Queda prohibido levar calquera tipo de animal na comparsa e/ou na carroza.
- 9) As carrozas deberán levar os altofalantes dirixidos cara á súa propia comparsa ou cara os laterais. Quedan prohibidos os altofalantes dirixidos cara á comparsa anterior ou posterior. A organización do desfile poderá requiririlles ás comparsas que baixen o volume.
- 10) As comparsas participantes deberán elaborar varias coplas que serán recitadas polos membros que cada comparsa considere oportuno, na praza do Concello, unha vez rematado o desfile. As coplas terán que ser recitadas obrigatoriamente en galego. A non participación no concurso de coplas levará consigo a redución do premio por participación nun 50 %.
- 11) Todas as persoas participantes no desfile autorizan o Concello de Salceda de Caselas a empregar a súa imaxe con fins promocionais do Entroido de Salceda en calquera medio de difusión.
- 12) Pagamento por participación:

Establécense os seguintes pagamentos por participación:

Modalidade A:

- | | |
|------------------------------------|----------|
| - Comparsas de 15 a 40 membros: | 200,00 € |
| - Comparsas de 41 ou máis membros: | 400,00 € |

Modalidade B:

- | | |
|---|------------|
| - Carroza e comparsa de 15 a 40 membros: | 300,00 € |
| - Carroza e comparsa de 41 a 85 membros: | 600,00 € |
| - Carroza e comparsa de 86 ou máis membros: | 1.000,00 € |

O pagamento por participación rematará no momento en que a cantidade a repartir por comparsas inscritas, segundo o número de compoñentes e por



rigorosa orde de inscrición, chegue á cantidade disposta polo Concello de Salceda, sendo o orzamento máximo para estes efectos de 11.000,00 €.

O número de compoñentes deberá figurar nun cartel visible na carroza. Porén, os compoñentes serán contados pola organización durante o transcurso do desfile.

13) Establécese como premio un xamón para a mellor comparsa en cada unha das seguintes categorías:

- Mellor conxunto global (Mención de Honra)
- Mellor coreografía
- Comparsa máis festeira
- Temática máis orixinal
- Mellor vestiario
- Mellor maquillaxe
- Mellor carroza
- Persoa participante de maior idade
- Votación do público
- Mellor comparsa de outro concello
- Mellor música en directo
- Coplas máis divertidas
- Coplas mellor recitadas

Para outorgar estes premios formarase un xurado composto por persoas expertas nos diferentes ámbitos relacionados coas categorías. A composición do xurado comunicárase antes da celebración do desfile.

14) Estas bases serán publicadas no taboleiro de edictos do Concello de Salceda de Caselas así como na súa páxina web (www.salcedadecaselas.gal).

15) Para calquera cuestión non contemplada nas presentes bases, a organización resolverá segundo o seu criterio, sen que esta se vexa obrigada a comunicalo previamente.

16) O feito de inscribirse no Desfile de Carrozas e Comparsas supón a plena aceptación das presentes bases.



DOCUMENTO ASINADO DIXITALMENTE



ANEXO I

SOLICITUDE DE PARTICIPACIÓN

Don/Dona _____,
con DNI _____, teléfono _____ e correo electrónico
_____ en representación da comparsa denominada
_____, pertencente á
asociación _____, con enderezo en

Solicita a inscrición da dita comparsa no XXVII Desfile de Carrozas e Comparsas organizado polo Concello de Salceda de Caselas e que se vai celebrar o vindeiro domingo 15 de febreiro de 2026.

Modalidade: ___ A (comparsa sen carroza) Nº de compoñentes: ___

___ B (comparsa máis carroza) Nº de compoñentes: ___

Achégase a seguinte documentación:

Asociacións:

- Nomeamento do representante cos seus datos de contacto
- Declaración responsable
- Fotocopia do DNI do representante
- Fotocopia do CIF da asociación
- Certificado do número de conta da asociación
- Declaración responsable de participación de menores
- Listaxe de participantes coa data de nacemento das persoas de maior e menor idade
- Nomeamento do membro do xurado cos seus datos de contacto
- Fotocopia do DNI do membro do xurado
- Lonxitude das carrozas por vehículos que compoñen a comparsa
- Copia do seguro obrigatorio dos vehículos que formen parte da comparsa, e número de teléfono dos/as condutores/as destes

Salceda de Caselas, ___ de _____ de 2026

Asdo.: _____ (representante)

CONCELLEIRO DE CULTURA DO CONCELLO DE SALCEDA DE CASELAS



ANEXO II

NOMEAMENTO DE REPRESENTANTE

Don/Dona _____, con DNI _____,
presidente/a da asociación _____, nomeo como
representante da dita asociación para o XXVII Desfile de Carrozas e Comparsas organizado
polo Concello de Salceda de Caselas e que se vai celebrar o vindeiro domingo 15 de febreiro
de 2026 a don/dona _____, con DNI
_____, teléfono _____ e correo
electrónico _____

_____, ____ de _____ de 2026

Asdo.: _____



ANEXO III

PARTICIPACIÓN DE MENORES

Don/Dona _____, con DNI _____,
representante da comparsa _____, declaro, baixo a miña
responsabilidade, que todas as persoas menores de idade que participan coa nosa comparsa
contan coa autorización dos seus pais/nais ou titores/as legais para participar no XXVII
Desfile de Carrozas e Comparsas organizado polo Concello de Salceda de Caselas e que se
vai celebrar o vindeiro domingo 15 de febreiro de 2026, e para o uso da súa imaxe
exclusivamente con fins promocionais do Entroido de Salceda de Caselas.

_____, ____ de _____ de 2026

Asdo.: _____

